

БӨЛІМ: ӨЛЕҢДЕР / ФАРИЗА ОҢҒАРСЫНОВА

Өмір деген - махаббат

ЖАРИЯЛАНДЫ
26.01.2022СІЛТЕМЕ
<https://bilimger.kz/112945/>

Өмір — сүю үздігіп,
құштарлықта жалын бар.
Қызу қанды қыз-жігіт,
ләззатына қаныңдар!
Өмір деген -
бір ғажап
махаббаттан тұрады.
Жан ғұмыры - мұңды азап,
табылмаса сыңары.
Өмір - үнсіз мұңдану
«Хош!» - дегенде сүйіктің.
Бір суынып, бір жану,
қайғысымен күйіктің.
Өмір - жанды тербеген
махаббаттың мәңгі әні,
әуенімен емдеген
бұлбұл үні таңдағы.
Өмір - жанды жырлатып,
өлең жазу түн қатып.
Махаббаттан нәр алып
өмір сүру - шын бақыт!

Фариза Оңғарсынова

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.